

0 10 20 30 40 50 60 70 80 90

Inches 1 2 3 4 5 6 7 8 9 10 11 12 13 14

Centimetres 1 2 3 4 5 6 7 8 9 10 11 12 13 14

TEEN Color Control Patches

續
家
集
序



繡像剿逆

圖考
平長元吉

治城山彼五署



光緒十八年冬
上海書局石印

督辦兩江軍務署浙江巡撫臣曾國荃謹

奏為官軍克復金陵謹將大概情形先行馳奏以慰

聖鑒事竊臣曾國荃合圍金陵五月以前攻勦情形均經督臣曾國藩
馳奏在案春夏之交共挖地道三十餘穴為城逆門穿三十餘穴
提督朱南桂李祥和羅逢元朱維堂等所挖地道前後轟發五處
均未能手城堅而大賊悍且多臣曾國荃智盡能窮憂心如焚
五月三十日督飭各將官攻克太平門外之偽地城六月初一日
起全營逼近城根輪流猛攻總兵陳萬勝王紹羲郭鵬程等所部
之弁勇傷亡極多福建提督蕭孚泗候補道黃潤昌及各營官先
益切憤怒遂於龍牌子下焚修築礮臺多駕大礮日夜聲擊一面
多用溼蘆土囊填與城齊一面令記名提督河南南歸德鎮總兵李
臣典吳宗國何玉貴楊喜貴等從山麓距城十數丈開挖地道克
日限抵城根而提督蕭孚泗張詩日攻之益力不收隊者半月礮



斃賊首偽王正多。十四日早，朱南桂、朱維堂、轟神策門地道盡去。月城而大城屹立，仍未能克，傷亡猶多。至十五日，李臣典地道告成。十六日午刻發火，沖開廿餘丈，慶天蔽天。當經朱洪章、劉連捷、伍維壽、張詩日、熊登武、陳壽武、蕭宇泗、彭毓楨、蕭慶衍等率各營大隊次第從倒口搶入城內，悍賊數千萬，護城排列大隊數萬，舍命抗拒。經朱洪章、劉連捷、伍維壽從中督將弁大呼沖殺，奮身不顧，鏖殺三時之久，十盪十決，賊乃大潰。劉連捷、張詩日等遂由右路循城包鈔，搶紮各門。適朱南桂、梁美材從神策門月城梯攻而入，會合踞定城北一帶。彭毓楨、蕭宇泗、蕭慶衍、武明良等由左路循門包鈔，立奪潮陽、洪武、通濟等門。適羅達元、趙三元、易良虎、彭春年等從南門旁倒口處梯攻而入，會合踞定城南一帶。中欄、江汎石壘亦經提督黃翼升、總兵許雲發率所部水師各營攻入。臣曾國荃至太平門倒口進登龍廣山督陣，見攻克省城之大勢已

定，遂趕回老營，將大概情形一面具報，一面令官軍環城內外紮定，分隊下城，勒洗嚴飭各軍，無使一名漏網。計月十六日午時起，至日暮，殲斃悍賊數萬，攻毀各偽王府數十處，惟首逆洪酋所居均有城壘，甚堅，死黨不下數萬人，經官軍四面環攻，尚未破入。其老幼婦女正多。臣曾國荃傳令各營，概釋放，以廣

皇仁。自五月底猛攻至今，令官軍陣亡實數二千餘人，受傷已逾數千餘人之多。臣曾國荃於

同治元年進兵，迄今兩載有餘，久不奏績，徒益傷亡，惶悚無地。臣玉麟於三月間率師赴上游防勦江鄂。臣岳斌奉督辦江皖之

命，亦經赴援江右，酌留水師數營，在金陵協勦。撫臣李鴻章商調提

臣黃翼升率淮揚水師六營，五月來此會勦，仰賴

皇仁，妙算獨超。

聖謨廣運，及資羣策羣力，故得竟此一貫之功，實深感幸。除將詳細戰

殺及各應獎應卹人員查明咨請督臣曾國藩會同大學士湖廣總督臣王文協辦大學士兩江總督臣曾國藩江蘇巡撫臣李鴻章由駟八百里先行馳奏外伏乞

皇太后

皇上聖鑒訓示再此摺由臣曾國藩主稿合併聲明謹

奏

欽差大臣協辦大學士兩江總督臣曾國藩跪

奏為洪秀全李秀成二酋分別處治並粗籌善後事宜恭摺具奏仰

祈

聖鑒事竊臣於六月廿三日具奏克復金陵詳細情形於偽天王幼主之實在下落李秀成等之應否獻俘聲明續奏在案拜疏後臣即乘坐輪船於二十五日駛抵金陵周歷各營接見諸將均有憔悴可憐之色蓋自五月三十日攻破地堡城後連攻十五晝夜未嘗

少休四面之兵挑集龍脖子一隅但出行隊未支帳棚晝則日炙宵則露宿又出入地洞之中面目黎黑雖與臣最熟之將初見幾不相識其論功居首之李臣典因冒暑受傷督工過急克城後一病不起諸將士亦傷病山積死亡相屬臣弟曾國荃前病業已痊愈近因隨眾露處過久又復徧發溼毒臣帶兵多年克城數十罕見如此次之勞苦者臣宣導

皇仁多方撫慰既獎其可憫可敬之功復勗以忘勞忘死之義至偽天王洪秀全逆尸將士積憤之餘皆欲得而甘心直至六月廿七日始從偽宮內掘出廿八日扛至營次臣與臣弟國荃驗看臣所帶委員中有曾任刑部秋審處之勒方綺龐際雲孫尚級等暨各文武公同相驗該逆尸遵尚邪教不用棺木徧身皆用繡龍黃緞包裹雖袴脚亦係龍緞頭禿無髮鬚尚全存已開白矣左股右腓肉猶未脫驗畢戮尸舉烈火而焚之有偽官婢者係道州黃姓女子

即手埋逆尸者也。臣親加訊問，據供洪秀全生前經年不見臣僚。四月二十七日，因官軍攻急，服毒身死，祕不發喪，而城內羣賊積薪為城，破自焚之計。眾供皆合，連日在偽宮反燼之中，反覆搜尋，茫無實據。觀其金玉二印，皆在巷戰時所奪。又似業已逃出偽宮者。李秀成之供，則稱曾經挾之出城，始行分散。然此次逃奔之賊，僅十六夜從地道缺口，逸出數百人。當經騎兵追至湖熟，圍殺淨盡。自十七日後，曾國荃即將缺口封砌，關閉各城，搜殺三日。洪福瑱以十六歲童駮，縱未斃於烈火，亦必死於亂軍。當無疑義。所有偽玉璽二方、金印一方，臣當專差賞送軍機處，俾方畧館有所考。馬、李秀成之就擒也。各營之降卒、附城之居民，人人皆識，觀者如堵。臣廿五日甫至金陵，親訊一次，旋派候選道龐際雲候補知府李鴻裔候補同知周悅修等，鞠訊累日，令寫親供，多至數萬字。敘

髮逆之始末，述忠酋之戰事，甚為詳悉。臣復詢以江西李世賢、湖北馬融和、湖州黃文金各股賊情，據李秀成供，湖北廣德之賊，即可不攻自遁。馬融和一股，本由陝西調援金陵，因長江阻隔，久無來信。李世賢係李秀成堂弟，與之約定，八月以前則據江西之糧，以救待黨之饑。八月以後，全數回竄，圍解長圍，則據甯國之糧，以救金陵之饑等語。又力勸官兵不宜專殺兩廣之人，恐粵賊愈孤，逆黨愈固。軍事仍無了日。其言頗有可采。日來在事文武，皆請將李秀成檻送京師。即洋人戈登、雅斐瑪等來賀者，亦以忠逆解京為快。臣竊以

聖朝天威滅此小醜，除僭號之洪秀全外，其餘皆可不必獻俘。陳玉成石達開，即有成例可援。且自來元惡解京，必須誘以甘言，許以不死。李秀成自知萬無可遁，在途或不食而死，或竄奪而逃，翻恐逃顯戮而貽巨患。與臣弟國荃熟商，意見相同。即於七月初六日將

李秀成凌遲處死傳首髮逆所到各省以快人心其偽福王洪仁達一犯係洪秀全之胞兄與其長兄洪仁發皆暴虐恣橫多行不義為李秀成等所深恨亦於初四日凌遲處死李秀成之供詞文理不甚通適而情事真確謹鈔送軍機處以備查考臣既將各逆首分別處治即應料理善後事宜歷年以來中外紛傳洪逆之富金銀如海百貨充盈臣亦嘗與曾國荃論及城破之日查封賊庫所得財物多則進奉戶部少則留充軍餉酌濟難民乃十六日克復以後搜殺三日不違他顧偽宮賊館一炬成灰連二十日查詢則并無所謂賊庫者詢問李秀成據稱昔年雖有聖庫之名實係洪秀全之私藏并非偽都之公帑偽朝之兵向無俸餉而王長兄次兄且用窮刑峻法搜括各館之銀米蘇州存銀稍多於金陵然亦無公帑積儲一處惟秀成所得銀物盡數散給部下取情翕然此外則各私其財而公家貧困等語臣弟國荃以為賊館必有害

藏賊身必有囊金勒令各營按名繳出以抵欠餉臣則謂勇丁所得賊贓多寡不齊按名勒繳弱者刑求而不得強者抗令而遁逃所抵之餉無幾徒失政體而失士心因曉諭軍中凡剝取賊身囊金者概置不問凡發掘賊館害金者報官充公違者治罪所以憫其貧而獎其功差為得體然克復老巢而全無貨財實出微臣意料之外亦為從來罕聞之事而目下善辦善後需銀甚急為款甚鉅臣統軍太多即宜裁撤三四萬人以節糜費應撤者欠餉無著應留者口糧無措江甯生靈荼毒甚於他省欲撫卹此八屬災民經費亦無所出自上年五月起周歲之久官軍常有數百人開挖地道縱橫計之城脚空虛約二十餘里賊自內挖出者不在此數理宜趕緊修築駐防滿營亦宜修理均藉籌此巨款凡此皆善後之大端其餘百緒繁興左支右絀臣欣喜之餘翻增焦灼總督衙門即係偽天王府之地片瓦無存現擇房屋之稍完者量加修葺

為臣衙門。臣當回安慶一次料理上游軍事。八九月間。再來金陵。經畫一切。除李臣典應得卹典。另行專摺具奏外。所有洪秀全李秀成二酋。分別處事。并粗籌善後事宜。恭摺由驛六百里馳奏。伏乞

皇太后

皇上聖鑒訓示。謹

奏。

欽差大臣大學士湖廣總督
欽差大臣協辦大學士兩江總督臣曾國荃文跪

奏為克復金陵全股悍賊盡數殲滅恭摺詳細情形仰祈

聖鑒事。竊照官軍攻克金陵業經浙江撫臣曾國荃將大概情形於十

六日夜刻會同臣等馳

奏在案。茲據曾國荃十九日咨稱。此次攻城勦洗老巢之難。與悍賊拚死鏖戰之苦。實為久歷戎行者所未見。自得天堡城後城中防

守益密。地堡城扼住隘路。百計環攻。無隙可乘。直至五月三十日。始經李祥和羅達元主遠和黃潤昌陳壽武熊上珍王仕益等率隊攻克。占取龍牌于山陰居高臨下。勢在掌握。自六月初一日起。令各營輪攻。傷亡極多。李臣典偵知城內米麥尚足。支持數月。又見我軍地道三十餘穴。都已無成。官軍五萬餘人。筋力將疲。若不趁此攻克。事久變生。深為可懼。李臣典願率吳宗國等。從賊礮最多之處。重開地道。鑿穿于泗黃潤昌能容。武王遠和。願距十數丈。修築礮臺數十座。通派各營隊伍。刈割溼蘆蒿草。堆細山積。上覆沙土。左路地勢甚高。利於聲攻。右路地勢極低。利於潛攻。如是者半月。未嘗一刻稍休。肉薄相逼。損傷精銳。不可勝數。總兵陳萬勝王紹義郭鵬程等。素稱饒將。數日之內。次第陣亡。尤堪憫惻。十五夜四更。地道裝築之時。曾國荃與李臣典正在洞口籌商一切。忠首李秀成突出死黨數百人。由太平門傍城根直犯地道。大壘別從朝

陽門東角出數百人裝官軍號衣持火蛋延燒各礮壘及附近溼
蘆蒿草官軍久勞之後夜深幾為所乘賴伍維壽李臣典黃廷爵
張詩日堵住左路斃賊無算彭毓橋熊上珍陶立忠等堵殺右路
擒斬亦多幸克保全洞口十六早嚮明曾國荃將四路隊伍調齊
預飭各軍穩站濠嚴防沖突惟將太平門龍膊子一帶自黎明
攻至午刻李臣典報地道封築口門安放引線曾國荃懸不賞之
賞嚴退後之誅劉連捷朱洪章武明良伍維壽熊登武陳壽武李
臣典張詩日各率營官席地敬聽願具軍令狀誓死報

國遂傳令即刻發火霹靂一聲揭開城垣二十餘丈烟塵蔽空碑石
滿谷武明良伍維壽朱洪章譚國泰劉連捷張詩日沈鴻賓羅雨
春李臣典等皆身先士卒直衝倒口而入各弁勇蟻附齊進銳不
可當而左路城頭之賊以火藥傾盆燒我士卒死者甚眾大隊因
之稍却經彭毓橋蕭孚泗李祥和蕭慶衍蕭開印等以大刀手刃

數人由是弁勇無一退者而武明良伍維壽朱洪章劉連捷譚國
泰張詩日等各率隊伍登龍廣山與右路太平門之賊排列轟擊
移時賊乃却退李祥和王仕益從太平門月城攻入羣賊知此項
地道缺口不復如前次之可以堵禦矣維時官軍分四路勦擊王
遠和王仕益朱洪章羅雨春沈鴻賓黃潤昌熊上珍等進擊中路
攻偏天王府之北劉連捷張詩日譚國泰崔文田等進擊右路由
臺城趨神策門一帶適朱南桂朱惟堂梁美材等亦率隊從神策
門地道之旁梯攻而入相與會合齊進兵力益厚直趨戰至獅子
山奪取儀鳳門其中左一路則有彭毓橋率羅朝雲趙清河黃東
南與武明良武明善武義山等由內城舊址直擊至通濟門左路
則有蕭孚泗熊登武蕭慶衍蕭開印率蕭致祥周恒禮李泰山蕭
清世蕭恒書朱吉玉趙太和劉長槐蕭上林等分途奪取朝陽洪
武二門城上守牌城門守樓之賊及附近一帶賊隊悉被殺戮共

鈔截之疾馳各路同一神速其留兵置守各門同一布置此十六日地道成功城中鏖戰及東北二路鈔勦之情形也方我軍大隊之抵龍廣山也西南守陴之賊猶植立未動迨奪下朝陽門賊始亂次而羅達元張定魁彭春年張光明楊西平何鳴高彭光友熊紹濂羅興祥葉必信等各率所部從聚寶門之西舊地道缺口仰攻而入李金洲胡松江朱文元武交清劉湘南易孔昭戴明山張正榮等率隊從通濟門月城緣梯而上陳湜易良虎易良豹龍清垣率吳隆海張葉江晏恭山馮威德陳汝俊劉定發各營則猛攻早西水西兩門月城偽忠王李秀成方率死黨狂奔將向早西門奪路冲出適為陳湜大隊所阻遏乃仍轉回清涼山江南提督黃翼升率許雲發等水師各營攻奪中關攔江磯石壘乘勝猛攻濱江之城遂與陳湜易良虎等奪取水西早西兩門將守賊纖盡由是全城各門皆破大勢已定日色將暝陳湜易良虎遙見忠首賊

隊隱匿於西南房屋如鱗之內益戒所部嚴防賊沖彭毓楠置守聚寶門通濟門李臣典李祥和扼守太平門黃潤昌王遠和朱洪章等見星收隊結為圓陣站立龍廣山稍資休息此水陸各軍攻克西南兩城分守要隘預防賊股沖突之情形也方朱洪章等與賊搏戰於偽天府城北之時沈鴻賓周恒禮袁大升等率隊從左路捲旗疾趨繞偽城之東設伏出奇為擒渠埽穴之計迨朱洪章戰馬帶傷悍賊穩扼石橋我軍隊伍不能飛越城河繞偽城之西當日暮苦戰之後正兵收隊龍廣山而伏兵深入由偽城之東透迤而南不能收隊時已三更矣偽忠王傳令羣賊將偽天府及各偽王府同時舉火焚燒偽宮殿火藥沖霄烟燄滿城袁大升周恒禮沈鴻賓等見偽殿前南門突出悍賊千餘人執持軍器洋鎗向民房街坊而去知是洪逆竄至民房遂率隊腰截擊之殺賊七百餘人奪偽玉璽二方金印一方寬廣約七寸即洪酋僭用之

印也。其偽宮殿侍女縊於前苑內者不下數百人。死於城河者不下二千餘人。其時偽城火已燎原，不可嚮邇。街巷要道，賊均延燒。塞襪官軍以暮夜路徑生疏，不能巷戰，遂收隊站城。此十六夜攻破偽天王內城，斃賊極多之情形也。是夜四更有賊一股，假裝官軍號衣號褂，手持軍器洋鎗，約千餘人，嚮太平門地道缺口沖突。經崑字湘後左右各營截擊，多用火桶火蛋焚燒，人馬死者已多。約尚有六七百人騎馬沖出，向孝陵衛定林鎮一路而逃。伍維壽、楊坤南、陶立忠等率馬隊跟追。曾國荃聞騎賊裝扮官軍逃出之信，即加派張定魁、李泰山、黃萬鵬、黃廷爵等馬隊七百騎追之。并飛咨深水、東壩、句容各守將會合追剿。直至十九日酉刻，伍維壽、黃萬鵬等回營。面稟追至純化鎮，生擒偽烈王李萬材，帶領前進。追至湖熟鎮，見逃賊在前，當經馬隊圍住，全數斬刈。未留一人。又追至溧陽，據百姓言前路并無賊蹤，經過曾國荃親訊李萬材供

稱城破後，偽忠王之兄巨王、幼西王、幼南王、定玉崇王、璋王等乘夜衝出，被官軍馬隊追至湖熟橋邊，將各頭目全行殺斃。更無餘孽。又據城內各賊供稱，首逆洪秀全實係本年五月間官軍猛攻時服毒而死，瘞於偽宮院內。立幼主洪福瑱，重襲偽號。城破後，偽幼主積薪宮殿，舉火自焚等語。應俟偽宮火熄，挖出洪秀全逆尸，查明自焚確據，續行具奏。至偽忠王李秀成一犯，城破受傷，匿於山內民房。十九夜提督蕭孚泗親自搜出，并搜出王次兄洪仁達。二十日曾國荃親訊供認不諱，應否檻送京師，抑或即在金陵正法，咨請定奪。其餘兩廣兩湖江北多年悍賊，十七十八等日，曾良佐、周光正、鄧吉山、劉泰材、聶福厚、譚信高、胡克安、朱連甲、王春華、黎冠湘、彭維祥、陳萬合、朱連泗、謝三洪、李臣榮、彭玉堂、劉奎蘭等分段搜殺。三日之間，斃賊共十餘萬人。秦淮長河屍首如麻。凡偽王、偽主將、天將及大小首目，約有三千餘名，死於亂軍之中。春居

其半。死於城河溝渠。及自焚者。居其半。三日夜火光不息。至十九日。尚有賊踞高屋之巔。以洋鎗狙擊官軍者。此馬隊窮追逸出之賊。及搜勦首逆。并羣賊之情形也。現在派營救火掩埋賊屍。安置難民婦女。料理善後事宜。百結繁興。竊念金陵一軍圍攻二載。有奇。前後死於疾疫者。萬餘人。死於戰陣者。八九千人。令人悲涕。不堪回首。仰賴

皇上福威。迄今得收寸效。筆情由曹國荃咨報前來。臣等伏查洪逆倡亂粵西。於今十有五年。竊據金陵亦十二年。流毒海內。神人共憤。我

朝武功之盛。超越前古。屢次削平大難。焜耀史編。然如嘉慶川楚之役。蹂躪僅及四省。淪陷不過十餘城。康熙三藩之役。蹂躪尚止十二省。淪陷亦三百餘城。今粵匪之變。蹂躪竟及十六省。淪陷至六百餘城之多。而其中凶首悍黨。如李開方守馮官屯。林啟榮守

九江葉芸來守安慶。皆堅忍不屈。此次金陵城破。十餘萬賊無一降者。至聚眾自焚而不悔。實為古今罕見之劇賊。然卒能次第蕩平。剷除元惡。臣等深維其故。蓋由我

文宗顯皇帝威德宏護。早裕戡亂之本。宮禁雖極儉嗇。而不惜巨餉以募戰士。名器雖極慎重。而不惜破格以獎有功。

廟算雖極精密。而不惜屈己以從將帥之謀。

皇太后

皇上守此三者。悉循舊章。而加之祛邪彌罅。求賢賄廢。用能誅除僭偽。

蔚成中興之業。臣等忝竊兵符。遠達堅會。既勳我

文宗不及目覩。獻停告成之日。又念生靈塗炭。為時過久。惟當終慎。當若

掃蕩餘匪。以蘇子黎之困。而分

宵旰之憂。此次應獎。應卹人員。另繕清單。謹

恩施臣國藩拜摺後即行馳赴金陵李秀成洪仁達應否獻俘俟到金陵後察酌具奏所有金陵克復全股悍賊盡數殲滅緣由謹會同陝甘總督臣楊岳斌兵部侍郎臣彭玉麟江蘇巡撫臣李鴻章浙江巡撫臣曾國荃恭摺由驛六百里加緊馳奏伏乞

皇太后

皇上聖鑒訓示謹

奏

保守平安歌三首曾文正公咸豐二年在湘鄉本籍作

第一莫逃走

眾人謠言雖滿口我境切莫亂逃走我境僻處萬山中四方大路皆不通我走天下一大半惟有此處可避亂走盡九州并四海惟處更難逃性命只怕你們太膽小一聞謠言太慌了一人倉忙四山逃一家大小哭嗷嗷男子縱然逃得脫婦女難免受煎熬壯丁縱然逃得脫老幼難免哭號咷文契縱然帶着走錢財不能帶分毫衣服縱然帶着走豬牛雞帶一根毛走出門來無屋住躲在中北風號夜無被鋪林板凳日無鍋甑切菜刀受盡辛苦破盡財其實賊匪奔未來祇因謠言自驚慌惹起土匪吵一場茶陵道州遭土匪皆因驚慌先走徙其餘各縣逃走人多因謠言嚇斷魂我境大家要保全切記不可聽謠言任憑謠言風浪起我人心中穩坐釣魚船一家安穩不喫驚十家太平不躲兵一人當事不害怕百

家喫碗安樂飯

【第二要齊心】

我境本是安樂鄉，只要齊心不可當。一人不敵二人智，一家不及十家強。你家有事我助你，我家有事你來幫。若是人人來幫助，扶起籬笆便是牆。只怕私心各不同，你向西來我向東。富者但願自己好，貧者却願大家窮。富者很心不憐貧，不肯周濟半毫分。貧者居心更難說，但願世界遭搶劫。各懷私心說長短，彼此有事不相管。縱然親戚與本家，也是丟開不管他。這等風俗實不好，城隍土地都煩惱。萬一隣境土匪來，不分好歹一筆埽。富者錢米被人搶，貧者飯碗也難保。我們如今定主意，大家齊心共努力。一家有事開鑼聲，家家向前作救兵。你救我來我救你，各種人情各還禮。縱然平日有仇隙，此時也要解開結。縱然平日打官方，此時也要和一場。大家喫杯團圓酒，都是親戚與朋友。百家合成一條心，千人合做一雙手。貧家饑寒實可憐，富家量力畧周旋。鄰境土匪不怕他，惡龍難闢地頭蛇。箇箇齊心的夥伴，關帝廟前立誓願。若有一人心不誠，舉頭三尺有神明。【第三操武藝】要保一方好土地，大

家學些好武藝，武藝果然學得精。縱然有事不受驚，石頭要打二十大石。灰罐子也一樣，木板只要五寸寬。箭箭要中靶子，上石頭灰罐破得陣。又紀錫子一齊進，靶子也立一塊。板上先擊四箇眼，眼內安箇小木槌。戳在錫子尖上留，只要枝枝戳得準。保守地方總安穩，火器雖然是箇寶。鳥銃卻要鑄得好，火藥也要辦得真。不然炮裂反傷人，銃手若是不到家。不如操演不用他，唯有一種竹將軍。裝得火藥大半斤，三股麻繩緊繫纏。一礮響動半邊天，件件武藝皆無損。石頭錫子更要緊，石頭不化一文錢。錫子要出一道匿，若是兩箇習得久。打盡天下無敵手，讀書子弟莫驕奢。學習武藝也保家，耕田人家圖安靜。學習武藝也不差，匠人若能學武藝。出門也有防身計，商賈若能學武藝。店中大膽做生意，雇工若能學武藝。又箇顯出手段高，各有義膽與忠肝。家家戶戶保平安。

水師得勝歌 曾文正公咸豐五年江西南康水營作

保守平安歌

水師得勝歌

三軍聽我苦口說教你水戰真祕訣第一船上要潔淨全仗神靈保性命早晚燒香掃灰塵敬奉江神與礮神第二灣船要稀鬆時時防火又防風打仗也要去得稀切莫擁擠喫大虧第三軍器要整齊船板莫沾半點泥牛皮圈子挂漿槳打溼水絮封藥箱羣子包包要纏緊大子筒筒要合腔撞鎗磨得乾乾淨大礮洗得溜溜光第四軍中要肅靜大喊大叫須嚴禁半夜驚營莫急躁探聽賊情莫亂報切莫亂打鑼和鼓亦莫亂放鎗和礮第五打仗不要慌老手心中有主張新手放礮總不准看來也是打得蠢遠遠放礮不進當看來本事也平常若是好漢打得進賊近賊船越有勁第六水師要演操兼習長矛并短刀盪槳要快舵要穩打礮總要習箇準斜斜排箇一字陣不慌不忙聽號令出隊走得一線穿收隊排得一絡連慢的切莫丟在後快的切莫走在前第七不可搶賊賊怕他來殺回馬槍又怕暗中藏火藥未曾得射先受傷第八水師莫上岸止許一人當買辦其餘箇箇要守船不可半步走河沿平時上岸打百板臨陣上岸就要斬

八條句句值千金你們牢牢記在心我待將官如兄弟我待兵丁如子姪你們隨我也久長人人曉得我心腸爾爾將官莫懈怠爾爾兵勇莫學壞未曾算去先算回未曾算勝先算敗各人努力各謹慎自然萬事都平順仔細聽我得勝歌陞官發財笑呵呵

陸軍得勝歌曾文正公咸豐六年在江西南昌省城作

三軍聽我苦口說教你陸戰真祕訣第一幫營要端詳營盤選箇好山岡不要低窪潮溼地不要一坦大洋後有退步前有進一半見面一半藏看定地方插標記插起竹竿牽繩牆繩子圍出三道圈內圍畧窄外圍寬六尺牆脚八尺墩墩要築緊牆要牢正牆高要七尺滿子牆只要一半高爛泥碎石不堅固雨後倒塌一缸糟一營只開兩道門門外驅逐閒雜人周圍挖些好茅廁免得熱天臭氣薰三里以外把箇卡日日守卡夜夜巡第二打仗要細思出隊要分三大支十間一支且紮住左右兩支先出去另把一支打接應再要一支埋伏定隊伍排在山坡上營官四處好瞭望

看他那邊是來路。看他那邊是去。向着他那路有伏兵。看他那支有強將。那處來的真賊頭。那邊做的假模樣。件件着清。件件說說。得人人都膽壯。他吶喊來。我不喊。他放鎗來。我不放。他若撲來。我不動。待他滾來。再接仗。起手要陰。後要陽。出隊要弱。收隊要強。初交手。時如老龍。越打越強。如老虎。打散賊匪。四山逃。追賊車。從兩邊鈔。逢屋逢山。搜埋伏。隊伍切莫亂分毫。第三行路。要分班。各營隊伍。莫亂參。四六隊。伍走前後。鍋帳擔子。走中間。不許爭先。太擁擠。不許落後。太孤單。選箇探馬。向前探。要選明白。真好漢。每日先走二十里。一步一步仔細看。遇着樹深林村莊。遇着河水深橋梁。遇着岔路。探埋伏。左邊右邊。都要防。遇着賊兵來迎敵。飛馬回報。不要忙。看定地勢。并虛實。遲報一刻。不妨。前有探馬。走前站。後有將官。押尾幫。過了尾幫。落後。遙插他耳。箭打一千。第四規矩。要肅靜。有禮。有法。有疏令。哨官管兵。莫太寬。營官也要嚴。哨官。出營歸營。要告假期。朔日望日。要請安。若有公事。穿衣服。大家出來。站箇班。營門擺設杖和枷。閒人進來。便鎖拿。

不許吸烟。并賭博。不許高聲大諠。奸淫擄掠。定要斬。巡更傳令。都要查起。更各哨。就安排。傳齊夫勇。點名來。營官三夜。點一次。哨官每夜。點一回。任憑客到。文書到。營門一閉。總不開。衣服裝扮。要料峭。莫穿紅綠。惹人笑。哨官不許穿長衣。兵勇不許穿軟料。脚上草鞋。緊緊穿。身上腰帶。緊緊纏。頭上包巾。緊緊束。英雄樣子。都齊全。第五軍器。要整齊。各人製件好東西。雜木杆子。溜溜圓。又光又硬。又發絲。常常在手。摸得久。越摸越熟。越值錢。鎗頭。只要六寸長。要出楊家梨花鎗。大刀。要輕。腰刀。重。快如閃電。白如霜。鎗礮。鑽洗。要乾淨。鉛子。箇箇要合腔。生漆皮桶。盛火藥。勤翻勤曬。見太陽。勤鍛。鑷子。要粗。大斧頭。要嵌三分。鋼火毬。都要親手製。六分淨。硝四分磺。旗幟。三月換一次。紅的印心。白的環繞。統領一面。營官四隊。長一面。哨官雙樹。樹搖。出如龍虎。對對走出。如鴛鴦。第六兵勇。要演操。清靜。莫號。嘈。早習。大刀。並鎗子。晚習。扒牆。並跳壕。壕溝。要跳八尺寬。牆子。要扒七尺高。樹筒。靶子。十丈遠。火毬。石子。手中拋。閒時。尋箇寬地方。又演砲隊。又演鎗。

烏鎗手勁習箇穩。擡鎗眼刁習箇準。灌起鉛子習打靶。翻山過水習跑馬。事事操習事事精。百戰百勝有聲名。者箇六條向句好。人人唱熟是祕寶。兵勇甘苦我盡知。生怕你們喫了虧。仔細唱我得勝歌。保你福多又壽多。
愛民歌 曾文正公咸豐八年 在江西建昌大營作

三軍箇箇仔細聽。行軍先要愛百姓。賊匪害了百姓們。全靠官兵來救人。百姓被賊喫了苦。全靠官兵來作主。行軍只要號令明。兵勇不許亂出營。走出營來就學壞。總是百姓來受害。或走大家訛錢文。或走小家調婦人。選些地痞做夥計。買些燒酒同喝醉。逢着百姓就要打。遇着店家就發氣。可憐百姓打出血。喫了大虧不敢說。生怕老將不自在。還要出錢去陪罪。要得百姓稍安靜。只須兵勇聽號令。我的軍士跟我早。多年在外名聲好。如今百姓更窮困。願我軍士聽教訓。軍士與民如一家。千記不可欺負他。日日熟唱愛民歌。天和地和又人和。

勸逆圖考標目

金田結黨謀叛圖

洪逆奏金寶廣東花縣一村夫耳偽稱死去七日還魂與桂清偽北王韋昌輝偽翼王石達開偽天官丞相秦日昌等六人初以勸人敬拜上帝可免蛇咬虎傷等語而不謂一星之火竟燎原至十餘省始撲滅洵可異也

髮逆初逢鏖戰圖

金田謀叛事在道光三十年六月時因廣西盜賊擾攘各州縣設立團練洪逆即於平南縣之金田山人村誘集萬民信拜上帝多至數千人分流賊羅大綱等率漸福振新圩之賊蓋為髮逆第一次受懲也

向帥永安困賊圖

洪逆誘集萬民數千人器械不全漫無定法只以承平已久人不知兵竟被其禍踞永安州為巢穴繼被向從臺與張軍門烏都統等統領大軍將賊圍困至茶米斷絕逃

三王奪權相殺圖

洪逆誘集萬民數千人器械不全漫無定法只以承平已久人不知兵竟被其禍踞永安州為巢穴繼被向從臺與張軍門烏都統等統領大軍將賊圍困至茶米斷絕逃

季清獨攬自大欺人三王不服由章昌標計殺之復因偽翼王瑛其不應殺盡東逆全家及成屬男婦致北逆欲併殺翼王暨開風過去眷屬大小竟被章殺則盜賊舉動也

忠逆諫主偷生圖

洪逆答以我有天死耶穌兵多於我等語如癡如夢如鬼如怪聞之實令

曾軍水師大捷圖

復蓋髮逆真合人心離散竊踞文省者為滿英王陳玉成雖驍勇兼稱登最近離心何繼退踞廬州猶冀偷生適逢乃天不容此小賊故使曾九帥督多將軍圍而殺之并殲肆擾而英逆已早伏法矣

鎮江賊敗逃生圖

我大帥和春大將軍張國樑水陸環圍竟如鐵桶被偽英王在外約定忠逆為外援英逆自駕一身從上流直下潛入城內令汝孝率眾沖出為忠逆引遁矣

沅帥力攻金陵圖

我軍圍攻洪逆若無忠逆在城拒敵則於克兩夜盡後便可長驅直搗此殆民災未滿逆惡未盈耳固治

犇城忠逆夜遁圖

犇則家奔投安相率逃生洪逆之十名福瑣年十六歲正無處可逃之際遇忠逆與以馬匹同由犇城缺口中奔

鄉民擒賊獻功圖

破廟內將身帶寶物挂在樹上被鄉民搜出且奪寶物

曾帥審問忠逆圖

忠逆避匿荒山天網恢恢疎而不漏被鄉民獲解大營曾帥即傳其各營將官升帳親提忠逆審問據供

逆清戰詳繼復請給紙筆於囚籠內復將細情敘述猶冀倖逃顯戮噫惡矣豈真死而不悟者耶

諸逆伏法快心圖

金陵名將曹九帥統領大軍遣李臣典曹丙等於太平門龍驤子一帶開挖地道六月十五午刻轟

震一聲搗倒城垣之十餘丈諸將士身先士卒直冲口而入各身勇亦殲附而進銳不可當獲殺三萬餘賊二十四萬紅旗投報中外快心

各省肅清奏凱圖

克復金陵之後軍威更奮春被拘各省之賊形勢日衰由是而安徽江西九江漢口湖北山東廣西浙江等

省不三年而次第肅清重見承平倍仰 聖上德威并曾李左彭諸名臣之善畫經濟故得以掃清海宇使小民安居樂業功亦偉矣


論功大封將帥圖

粵匪竊據金陵十二年蹂躪十數省荼毒生靈有報中外膾歎於是 朝廷論功行賞特加曾李蕭左諸功臣爵位一時膺鐘奇者盡沐恩施在 國家頒酬庸之典將士沐異數之榮而草野臣民亦同享昇平之福矣

江南劫餘

生漫題

金田結黨謀叛圖



髮逆初逢鏖戰圖



三
天
下
無
不
有
此
事
也
三


向帥永安賊圖




三王奪權相殺圖





忠逆主偷生圖



曾軍水師大捷圖




鎮江賊敗逃生圖




沈帥力攻金陵圖



九



韓忠城逆夜遁圖



鄉民擒賊獻功圖





曾帥審
問忠逆圖




諸逆伏法快心圖



各省肅
清奏
凱圖



論大功封將帥圖



首職彙記

洪秀全

廣東花縣人咸豐元年正月偕號偽天王稱太平天國同治元年踞

江甯為偽都同治三年五月死長于福鎮號偽位六月江甯克復甯浙江湖州九月伏誅江西


楊秀清

廣東嘉應州人遷廣西桂平縣咸豐

元年正月受偽殿前統領韓奏親命文衡正總裁右輔正軍師頂天扶朝綱東王九千歲六年七月為偽北王韋昌輝所殺

蕭朝貴

廣西武宣人咸豐元年受偽殿前師



馮雲山

廣東花縣人咸豐元年受偽殿前親

命文衡副總裁副軍師頂天扶朝綱光緒二年攻全州中破死于亂兵金陵破死于亂兵

韋昌輝

原名正廣西桂平人咸豐元年受偽

殿前親命文衡又副總裁後承又副軍師頂天扶朝綱北王六千歲六年為偽東王黨所殺

洪仁發

秀全長兄初偽封安王後改封偽殿

前京內又正總鑑頂天扶朝綱信王顯千歲同治三年伏誅於金陵長子和元受偽殿前京內又副總鑑頂天扶朝綱巨王顯千歲同治三年死于亂兵次子利元受偽殿前京外正總鑑頂天扶朝綱崇王顯千歲同治三年死于亂兵三子科元受偽殿前京外又正總鑑頂天扶朝綱元王顯千歲四子瑞元受偽殿前京外副總鑑頂天扶朝綱長王顯千歲五子現元受偽殿前京外又副總鑑頂天扶朝綱見王顯千歲六子塘元受偽殿前

正總鑄寶頂天扶朝綱唐王顯
千歲七子珣元受偽殿前又正
總鑄寶頂天扶朝綱同王顯千
歲八子錦元受偽殿前副總鑄
寶頂天扶朝綱
次王顯千歲

洪仁達

秀金仲兄初偽封
福王後改封偽殿

前京內副總鑄御林兵馬哥頂
天扶朝綱勇王倫千歲同治三
年伏誅於金陵長子鉦元受偽
殿前又副總鑄寶頂天扶朝綱
定王倫千歲同治三年金陵克
復死於亂兵次子封元受偽殿
前正開礦頂天扶
朝綱漢王倫千歲

洪仁珩

秀金之弟咸豐九
年受偽殿前吏部

正天儉親命文衡副總鑄僚部
領袖精忠正軍師頂天扶朝綱
千王福千歲同治二年
生擒於江西子葵元嗣

賴桂芳

秀金之舅受偽殿
前京內總鑄寶頂

天扶朝綱開朝王寶榮千歲
同治三年四月克丹陽擒斬之

鍾萬信

封偽殿前又正總
開礦頂天扶朝綱

黃棟梁

封偽殿前副總開
礦頂天扶朝綱天

李世賢

秀成之從弟受偽
殿前戶部又正地

楊輔清

秀清之從弟受偽
殿前戶部副地僚

林紹章

封偽殿前戶部又
副地僚頂天扶朝

胡以晄

廣西桂子人受偽
殿前禮部正春僚

四駟馬
凱王

黃文勝

封偽殿前又副總
開礦頂天扶朝綱

石達開

廣東和平人住廣
西貴縣咸豐元年

陳玉成

本名丕成洪秀金
改為玉成受偽殿

陳坤書

封偽殿前禮部副
春僚頂天扶朝綱

吳汝孝

咸豐三年受偽殿
前禮部又副春僚

陳得才

封偽殿前兵部正
夏僚頂天扶朝綱

洪春元

封偽殿前兵部又
正夏僚頂天扶朝

李秀成

本名以文洪秀全
改為秀成廣西藤

縣人受偽殿前吏部又副天僚
頂天扶朝綱忠王榮千歲同治
三年六月克金陵生擒磔之春
子李士貴咸豐十一年偽封忠
二殿下同治三年九月在浙江
生擒正法嫡子其祥同治三年
獲於江西以年幼侯
及歲時取照辦理

蒙得恩

封偽殿前戶部正
地僚頂天扶朝綱

贊王輝千歲子
時雍襲封偽職

林啟榮

封偽殿前兵部副
夏儋頂天扶朝綱

勳王茂千歲咸豐
八年九江克復死

古隆賢

封偽殿前京外統
率大軍頂天扶朝

綱奉王定千歲同
治二年九月投誠

洪容海

本姓童受偽殿前
東方統率大軍頂

天扶朝綱保王安千歲同
治元年六月投誠後復姓

張樂行

封偽殿前北方統
率大軍頂天扶朝

綱沃王猛千歲同治二
年二月為僧親王所誅

胡海隆

封偽殿前新鄂留
正頂天扶朝綱學

王芳
千歲

譚紹洗

封偽殿前斬曲留
直頂天扶朝綱慕

王羊千歲同治二年
十月蘇州城破死

陸順得

封偽殿前斬惡留
善頂天扶朝綱來

王彩千歲同治三
年甯浙江棄世

黃章桂

封偽殿前斬假留
真頂天扶朝綱趨

王誠千歲同治二
年拒官軍於無錫

賴汶洗

受偽殿前夏季統
率大軍頂天扶朝

綱導王季千歲同治
六年十一月死揚州

陳炳文

受偽殿前秋季統
率大軍頂天扶朝

綱聽王季千歲同
治三年七月投誠

黃文金

封偽殿前冬季統
率大軍頂天扶朝

綱堵王花千歲同治
三年八月死於李豐

賴文鴻

封偽殿前西王雷
察大軍頂天扶朝

綱匡王名千歲同治
三年死於甯國縣

邵永寬

一名雷官封偽殿
前除害興利頂天

扶朝綱納王遠千歲同治二年
十月破蘇州投誠誘而殺之

洪大全

衛州人封偽天德
王威靈二年在水

安突圍出為官軍擒
獻俘京師殺之

汪安鈞

封偽康王同治二
年十月死於蘇州

汪海洋

龍封偽康王職同
治四年死於應州

李愷順

封偽董王同治二
年同偽董王沿江

寬石膝七月
死於長興

劉官方

封偽殿前南方電
察大軍頂天扶朝

綱翼王聲千歲同治
三年官軍敗於金陵

苗沛霖

安徽鳳臺人封偽
殿前北方雷察天

軍頂天扶朝綱奏王和千歲
同治二年十月死於蒙城

李開方

封偽殿前春季電
察大軍頂天扶朝

綱請王合千歲咸豐
五年獻俘至京磔死

林鳳祥

封偽殿前夏季電
察大軍頂天扶朝

綱求王揚千歲咸豐
五年獻俘至京伏誅

周文嘉

封偽甯王同治二
年蘇州城破死

蔡元澄

封偽會王丘州人
同治三年獻海甯

州乞降更
名元吉

秦日綱

封偽熾王一名日
昌貴縣人咸豐四

年受
偽職

黃金愛

封偽紀王同治二
年拒官軍於無錫

三年官軍敗
之於金陵

曹盛勇

封偽天侯同治二
年克浙江生擒

趙思誠

封蜀天侯同治三年死於浙江

曹得勝

封野天侯同治三年死於浙江

古文義

封陶天義同治二年死於福山

黃勝才

封謝天義咸豐十一年死樂平

李仕福

封傅天安咸豐十一年死徽州

黃有才

封林天安同治三年死於嘉興

劉玉林

封林天福同治二年投誠於常熟

姚得時

封連天福同治二年死於常熟

吳自成

封成天豫同治三年死於金谿

洪世芳

封欽天豫同治四年死於汀州

賴汶禾

封國天燕咸豐五年生擒於贛南

毛大義

封旺天燕同治三年死於浙江

羅必芬

封地官天正丞相出律昌輝堂高洪

送所

羅大綱

封冬官丞相

汪得勝

封丞相咸豐五年死於岳州城

韋朝綱

封丞相咸豐八年擒殺之

翟明海

封丞相咸豐八年死吉安

黃啟芳

封丞相同治



71020798



